

Protocol no. 79**Sezzüda da lündeschdi, 15 november 2010, 20.00 – 21.55**

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

Protocol

Il protocol no. 78 da la sezzüda dals 8 november 2010 vain approvà.

703 021 FABRICA
Retscherchas dendrocronologicas

Il capo infuormescha sur dal rapport da l'ETH a regard l'età dals bös-chs scuverts in connex cun üna fabrica a Palüzot. L'analisa muossa ch'ün larsch es ca. 10'000 ons vegl, voul dir ün dals plü vegls bös-chs chattats ed analisats in Svizra.

705 340 SPORT
Lö per trenar biatlon

Gian Fadri Linsel fa la dumonda per ün lö da trenamaint per biatlon sül territori da Sent. Il Cussagl cumünal conceda il permiss (procedura d'annunzcha) culla cundiziun cha'ls tuns gnian tschüffs sü. Davo tschertas ponderaziuns propuona il Cussagl cha'l prà da l'Ischla füss ün bun lö da trenamaint. Quista opziun vain analisada. Il Cussagl cumünal relascha la taxa da trattamaint in fuorma da promoziun pel sport.

707 810 ADMINISTRAZIUN FORESTALA
Eleczion giarsun forestal

Il schef da god orientescha al Cussagl cumünal sur da l'annunzcha entrada sülla publicaziun aint il Mas-chalch dals 14 october 2010. Resguardond l'annunzcha decida il Cussagl cumünal dad eleger a sar Bastian Janett da Tschlin in quist giarsunadi. El vaiva frequentà ün' eivna d'insai pro'l Cumün da Sent e'l silvicultur d'eira fich cuntaint cun el.

708 021 FABRICA
Vias serradas in cumün

Il Cussagl cumünal tematisescha il problem cha bleras vias sun, causa fabricats, serradas per part sainza chi vegna orientà. Las vias ston scha pussibel esser transiblas tuotta di. Il Cussagl cumünal decida da metter insembel ün pêr puncts chi reglan la chosa; eir in connex cun puntins da fabrica. Las prescipziuns novas vegnan integradas aint in ün decret dal Cussagl cumünal chi regla las serradas da vias, ch'id es part integrala dals permiss da fabrica.

710 860.318.04 Città d'energia
Sustegn bigliets pel traget Sent – Scuol

In connex cul label d'energia decida il Cussagl cumūnal da vulair promouever la glied chi va regularmaing giò Scuol dad ir culs mezs publics. Perquai subvenziunescha il cumūn üna part dals abunamaints per quel traget. Tenor las calculaziuns fattas da la Posta cuosta quista promoziun fr. 5'000.-- l'on. Uschè pon creschüts a partir da quist on chi vain retrar abunamaints redots per quel traget. Quista sporta nu vaglia per GA's e Būgas. Il böt es da transferir quels chi van cul auto via süls mezs publics.

711 620.314.01 Rotta da naiv ed inglerar vias
Ingrazchamaint surdatta da lavur

Il schef da vias orientescha sur da l'ingrazchamaint da la firma Transports Mader per la surdatta da la rumida da naiv.

712 830 TURISSEM
Tablas BAW

Il schef turissem orientescha chi gnia dal 2011 signalisà in tuot la regiun nouv las sendas da stà e d'inviern (BAW). Ils cuosts per Sent s'amuntan sün fr. 7'000.--. L'import vain integrà i'l preventiv.

L'actuar: